



KAMELEON.BA

18.03.2015 u 15:59

EKSKLUZIVNO

Ivan Milinković za Kameleon: Legende uživo su totalno druga impresija



Frontmen Legendi pred koncert u Živinicama

Nakon što su nekoliko puta nastupili u Tuzli, beogradska grupa Legende ponovo gostuje u Tuzlanskom kantonu. Ovaj put domaćin je BKC u Živinicama, a koncert je zakazan sa subotu, 21. mart sa početkom u 20:00 sati. Pjevač grupe Legende Ivan Milinković, za Kameleon ekskluzivno otkriva kako je došlo do ovog koncerta. "Vjerovatno je od najvjernijih fanova potekla inicijativa, a onda je napravljen i dogovor organizatora sa čelnicima BKC-a.

Veoma smo zadovoljni i sretni što su karte rasprodate", kaže Milinković.

Na pitanje šta publika može očekivati na živiničkom debiju Legendi, Ivan kaže: "Prvi put će imati priliku da čuju kako Legende zvuče uživo. Vlada jedan tabu kako mi sviramo starogradsku muziku, međutim, kada čuju Legende uživo onda je to totalno druga impresija." Ovaj vrsni vokal otkriva za Kameleon kakav će repertoar Legende ponuditi publici u subotu. "Biće to jedna rekapitulacija naše karijere u 2 ili 2 i pol sata. Odabrali smo nekih 26-27 pjesama. Mi smo sada u fazi rada jedne pjesme koja je u nekom grčkom 'fazonu', a u Živinicama ćemo čuti kako publika reaguje na nju. Ako prođe onda ćemo i da je snimimo. Uglavnom će to biti mnogo pjesama i hitova po kojim nas ljudi prepoznaju u vole", zaključio je Milinković.